



Akcije Corset i Derbi su raturile švercere duhana

Policijski službenici **SIPA** su na području Banje Luke i Laktaša izvršili pretrese poslovnih i stambenih objekata te pokretnih stvari na pet lokacija, a uhapšene su tri osobe

Pripadnici **Državne agencije za istrage i zaštitu (SIPA)** u petak su u sklopu akcije Corset na području Banje Luke i Laktaša izvršili pretrese poslovnih i stambenih objekata te pokretnih stvari na pet lokacija. Uhapšene su tri osobe zbog postojanja osnova sumnje da su počinile krivična djela organizovani kriminal i nedozvoljen promet akciznih proizvoda, propisana Krivičnim zakonom BiH.

Uhapšeni su sprovedeni u prostorije **SIPA** radi kriminalističke obrade i ispitivanja u svojstvu osumnjičenih. Prilikom pretresa otkriveni su i privremeno oduzeti predmeti koji mogu poslužiti kao dokaz da su počinjena navedena krivična djela.

Akcizne markice

Pronađene su cigarete koje nisu obilježene propisanim akciznim markicama Uprave za indirektno oporezivanje BiH - 30.563 paklice vrijedne 152.815 KM, 8 kilograma rezanog duhana koji nije obilježen propisanim akciznim markicama UIO BiH u vrijednosti oko 200 KM,

Višemjesečnim istragama prikupljeni su dokazi o osobama uključenim u nezakonitosti

8.260 eura, 3.966 KM, 2.790 RSD, 880 kuna, 50 USD, 1.200 norveških kruna i 500 švedskih kruna, mobilni telefoni, evidencije o poslovanju, kao i druga dokumentacija. Pretresi su izvršeni po nalogu Suda BiH i pod nadzorom Tužilaštva BiH, a u saradnji sa UIO BiH i MUP-om RS-a.

Podsjetimo, **SIPA** je u četvrtak izvela akciju Derbi na više od 15 lokacija na području Posavine, zapadne Hercegovine i Zenice, a tom prilikom je otkriveno i zaplijenjeno više tona duhana, kao i materijal za proizvodnju ilegalnih cigareta,

veće količine novca i drugi dokazni materijal.

Šteta po budžet

Kako je saopšteno iz Tužilaštva BiH, akcije Derbi i Corset usmjerene su na suzbijanje organizovanog kriminala povezanog sa neovlaštenim prometom, proizvodnjom i prodajom akciznih proizvoda, cigareta, duhana i duhanskih prerađevina u velikim količinama.

- Višemjesečnim istragama prikupljeni su dokazi o osobama uključenim u ove nezakonite aktivnosti kojima se prouzrokuje šteta budžetu BiH i nanosi šteta građanima zbog proizvodnje i distribucije duhanskih prerađevina koje nisu prošle standarde proizvodnje i kvaliteta, te kojima se ugrožava zdravlje građana, dodaju iz Tužilaštva. **AMELA LONČARIĆ**

Na području Sarajeva uhapšeno je jedno lice kod kojeg je pronađeno više stotina kilograma rezanog duhana



Pronađene su velike količine cigareta i rezanog duhana / SIPA